




ՄԱՅՐ ՏԱԾԱՐԻ ԵՐԳԵՑԻԿ ԽՄԲԻ ՏԱՍՆՀԻՆԳԱՄՅԱԿԸ

Այս տարի լրացավ Մայր Տաճարի երգեցիկ խմբի կազմության 15-ամյակը:

1951 թվականին, հանգուցյալ Գևորգ Զ Կաթողիկոսի օրով, կազմվել էր Մայր Տաճարի երգչախումբը, 14 երգիչներից և երգչուհիներից բաղկացած:

Տ. Տ. Վազգեն Ա Վեհափառ Հայրապետի գահակալության 10 տարիների ընթացքում, որակապես և քանակապես զգալիորեն բարելավվեց երգչախմբի կազմը և այն դարձավ շնորհալի մի խումբ: Ներկայումս Մայր Տաճարի երգչախումբը բաղկացած է մեծ մասամբ երաժշտական քարձր կրթություն ունեցող 35 երգիչներից և երգչուհիներից:

1961 թվականից երգեցիկ խմբի գեղարվեստական ղեկավարը և դիրիժորն է Հոգևոր Ճեմարանի նախկին սան և Երևանի կոնսերվատորիայի դիրիժորական բաժնի գերա-

զանցիկ շրջանավարտ Խորեն Մեյխանաչյանը:

Վերջին 5 տարիների ընթացքում երգչախումբը, իր շնորհալի ղեկավարի առաջնորդությամբ, կատարել է գնահատելի աշխատանք: Ամբողջացվել և գեղարվեստական որոշ մակարդակի են հասցվել Եկմայլան և Կոմիտասյան պատարագները:

Նդեռնի հիսնամյակի առթիվ, երգեցիկ խումբը սովորեց և կատարեց խորին ապրումով Ալեքսանդր Հարությունյանի դաշնավորած «Գթա Տէր»-ը:

Մայր Աթոռի հանդիսություններին երգչախումբը հաճախ իր մասնակցությունն է բերում ժողովրդական երգերի քարձր կատարումով:

Շնորհավորելով Մայր Տաճարի երգչախմբի 15-ամյակը, ցանկանում ենք նրան աշխատանքային նոր հաջողություններ:

